



Bentiaraq Ottosen
Atassut

UKA 2023/131
26. oktober 2023

Inuussutissarsiutigalugu piniarnermut allagartaq maanna atuuttumut taarsiullugu inuussutissarsiutigalugu aalisarnermut allagartap, inuussutissarsiutigalugulu piniarnermut allagartap immikkoortilersinnersinnissai pillugu apeqquteqaat aallaavigalugu oqallisissiatut siunnersuut.

(Inatsisartuni ilaasortaq Aqqalu C. Jerimiassen, Atassut)

Inuussutissarsiuteqartut kikkulluuniit pineqaleraangata maani oqallinneq sakkortusinnaasaqaaq, kisiannilu paaseqqunarpoq aporfigiuartagarput tassaammat piniarnermut allagartaq aamma aalisarnermut allagartaq. Allaffissornikkut anillatsinneqaraangata aalisartup allagartassani tiguserpa inuussutissarsiutigalugu piniarnermut allagartaq, aappaanilu sunngiffimmi piniartoq inuussutissarsiutigalugu aalisartoq allagartaq tiguserlugu. Tamanna immikkoortinnissai isumaqarpugut pisariaqalersoq, allagartalersuinikkut paasinarnerusumik inissiisoqarnissaa pissutigalugu.

Uani paaseqqunarpoq taxartartoq tassaasannigimmat bussertitsisuulluni allagartaqartoq, bussertitsisoq taxartartuulluni allagaqartaqartoq. Immaqa taamatut paasineqarsinnaagunarpoq, nassuiaasiussagaanni. Tassami inuussutissarsiutigalugu allagartap eqqortumik allaqqanissaa pisariaqarmat, taamatullu allaffissornerulernavianginnatta.

Atassummiit pingaartumik oqariartuutigisarparput, namminersortut qaqugukkulluuniit allartissinnaaneq oqinnerulertariaqartoq. Soorlu imaani inuussutissarsiuteqartut aamma tassuunatigut oqilisaavigineqarnissaat aamma pingaaruteqarluinnartuusoq, uanilu eqqoqqissaartutut oqaatigineqarsinnaasoq tassaavoq imaani inuussutissarsiuteqarneq kisiat isumalluutiginaq aamma nunami inuussutissarsiuteqarneq periarfissarpassualik suli annertusarneqaaqittariaqartoq isumaqarluta. Taamatut iliornikkut inuussutissarsiutigineqartup isumaa immikkoorsillugu paasilluarsinnaasavarput, taamatut immikkoortumik allagartalersuisarneq isumaqarpunga aqqiivigineqarsinnaasariaqartoq.

Atassummiit pingaartipparput piniarnermut aalisarnermullu allagartat assigiingitsut naleqqussarneqarnissaat, tassami imminut aporaattutut killilersuisumillu atuukkunnaarsikkumallugit. Pingaartumillu aalisarneq isumalluutigiuartussaagatsigu maani nunatsinni pingaaruteqarpoq aalisapilunnginnissaq. Suliassaraarpulli aalisakkat nalingi qaffassartussaallugit. Taamaasiornikkut qulakkeertussaagatsigit aalisartortatta pitsaasumik imminut pilersorsinnaanissaat.

Uani oqallinnermi isumaqarpugut pingaartupilussuusoq oqaatigissallugu allagartap atiisa nalimmassarneqarnissaat anguniarneqarmat, erseqqissaasitigissavarpulli asuli puupassaarisooqanngimmat siunnersuutilli toqqammavippiaatigut oqalliseqatigiinnissaq

pingaaruteqarmat. Allamut sangoqattaarnissaq pisariaqanngitsoq, unali inuussutissiutigalugu allagartap nalimmassarneqarnissaanut oqallisissiaammat.

Taamatut oqaaseqarluta oqallisissiamut saqqummiusoq taperserlugu oqallilluarnissassinnik kissaappassi.